



CENTAR ZA OBUKU PASA ZA OTKRIVANJE MINA ZA
JUGOISTOČNU EUROPU

Izvještaj o aktivnostima u 2006.

UVOD

Od početka djelovanja 2003. godine, Centar za obuku pasa za otkrivanje mina za jugoistočnu Europu, definirao je jasne godišnje ciljeve, upoređujući u isto vrijeme usvojene planove sa konačnim postignućima na kraju svake godine. MDDC je dokazao da je u protekle tri godine ispunio zacrtane planove i postigao postavljene ciljeve, kroz aktivnosti obuke pasa i osoblja u oblasti protivminskih akcija u Bosni i Hercegovini i čitavom regionu. MDDC je također proširio svoje aktivnosti na obuku pasa za otkrivanje eksploziva i narkotika i policijskih patrolnih pasa za potrebe relevantnih institucija u Bosni i Hercegovini koje koriste službene pse.

OBUKA PASA ZA OTKRIVANJE MINA


U proteklih godinu i pol, ukupno 22 psa za otkrivanje mina su obučeni u Centru za obuku pasa. Praksa MDDC-a je da preuzme odgovornost za čitav proces obuke, od samog početka do kraja. Treneri MDDC-a vrše selekciju mladih, tzv. zelenih pasa iz uzgajivačnica iz čitave Europe. Po završetku prve faze obuke, MDDC nastavlja sa obukom pasa za otkrivanje mina, ali i njihovih vodiča koje dolaze iz organizacija koje će činiti timove obučene za otkrivanje mina.

12 timova za otkrivanje mina obučeni su za Marshall Legacy Institute iz SAD-a (zima 2005. – proljeće. 2006). Riječ je o donaciji organiziranoj od strane MLI i privatnih donatora preko ITF-a, a 12 obučenih pasa za otkrivanje mina integrirani su u timove sa vodičima pasa iz nevladinih organizacija iz Bosne i Hercegovine, koje su korisnici donacija: Stop Mines, BH Demining, Pro Vita i Eko Dem.

8 timova za otkrivanje mina obučeni su za Centar za uklanjanje mina Azerbejdžana (ANAMA), od kojih je 6 također financiro MLI i Vlada Slovenije, dok je ANAMA financirala ostala dva tima. Još jedna grupa od 6 pasa za otkrivanje mina je trenutno u procesu obuke za dvije nevladine organizacije iz BIH – korisnike donacije, a obuka će biti završena u januaru/februaru 2007. godine.

Dva psa za otkrivanje mina obučeni su za kompaniju za deminiranje N&N Ivša, koja je i osigurala sredstva za obuku.

Selekcija zelenih pasa i proces obuke



OBUKA PASA ZA OTKRIVANJE EKSPLOZIVA, NARKOTIKA I PATROLNIH PASA

Primijetivši potrebu za obukom službenih pasa za druge potrebe, a ne samo za otkrivanje mina, MDDC je razvio metodologiju obuke za pse za otkrivanje eksploziva i narkotika, kao i za policijske patrolne pse, uz upotrebu tehnike obuke Global Training Academy. MDDC treneri su certificirani za takvu vrstu obuke i već imaju iskustva u obuci službenih pasa za BH institucije, kao što su policijske snage i Državna granična služba. Ovaj komercijalni program doprinos je samoodrživosti MDDC-a, bez miješanja sa osnovnom aktivnošću MDDC-a, tj. obukom pasa za otkrivanje mina. Nekoliko BH institucija uputilo je zahtjev MDDC-u za obuku službenih pasa i osoblja.

MDDC je u proteklom periodu postigao slijedeće rezultate:

- 3 psa su obučena za potrebe policijskih snaga Brčko distrikta (jedan pas za otkrivanje eksploziva, jedan za otkrivanje narkotika i jedan policijski patrolni pas)
- 10 pasa su odabrani za potrebe Državne granične službe BiH (policijski patrolni psi i psi za otkrivanje narkotika)
- 14 pasa za policijske snage kantona Sarajevo (policijski patrolni psi i psi za otkrivanje eksploziva)

Obuka službenih pasa i vodiča pasa Državne granične službe BiH je započela u novembru 2006. MDDC je pružio smještaj i sve raspoložive kapacitete za obuku, kao i svoju pomoć u obuci.

UPOTREBA MDDC TIMOVA KAO PODRŠKA DEMINERSKIM AKTIVNOSTIMA

MDDC posjeduje šest iskusnih timova za otkrivanje mina koji su obučeni za podršku deminerskim kompanijama u čitavom regionu jugoistočne Europe. U protekle dvije godine, ti timovi su bili raspoređeni na različite deminerske zadatke, gdje su postizali značajne rezultate, samostalno i u suradnji sa domaćim i međunarodnim deminerskim kompanijama, ispunjavajući time zadatak pružanja podrške na zadacima deminiranja u regionu:

Albanija

U deminerskoj sezoni 2005. – 2006., MDDC timovi bili su angažirani od strane *Danish Church Aid*. U 2006., MDDC timovi su, u periodu od 8 mjeseci, bili angažirani od strane DCA.

Bosna i Hercegovina

MDDC timovi su bili angažirani od strane deminerskih organizacija *European Landmine Solutions*, *Mechem Coutermining*, *Intersos*, *Amphibia* i *UXB Balkans*.


Srbija

MDDC timovi bili su raspoređeni kao podrška deminerskoj kompaniji *Enigma* na zadacima deminiranja u pograničnom području između Srbije i Hrvatske.

Kosovo

MDDC timovi bili su angažirani od strane *Armor Group* na zadacima redukcije sumnjive površine na području aerodroma Priština.

Upotreba kapaciteta pasa za otkrivanje mina u zadacima deminiranja



KURSEVI OBUKE

U toku protekle godine, MDDC je ponudio smještajne kapacitete zainteresiranima za različite oblike obuke osoblja, što je realizirano kroz smještaj i obuku žrtava mina, koji djeluju u sklopu udruženja EKO SPORT GROUP. Žrtve mina su dva puta učestvovala u obuci u ronjenju na Boračkom jezeru, kao dio programa psihološke i fizičke rehabilitacije i bili su smješteni u MDDC-u.

Za vrijeme njihovog boravka, MDDC je organizirao lekcije upozoravanja na mine, s ciljem otvaranja novih mogućnosti za uključenje žrtava mina, tj. onih koji se osjećaju fizički sposobnim i žele biti aktivni u oblasti upozoravanja na mine u njihovim područjima stanovanja, što je kod donatora ocijenjeno kao veoma pozitivno i perspektivno.

MEĐUNARODNA SURADNJA I PROMOCIJA

Kroz čitavu godinu, MDDC je aktivno sudjelovao u radu Koordinacijskog vijeća za protuminsko djelovanje za jugoistočnu Europu (SEEMACC), predstavljajući svim centrima za uklanjanje mina u regionu napredak postignut u oblasti obuke i upotrebe pasa za otkrivanje mina. Primijećeni su brojni pozitivni koraci naprijed u ovoj oblasti protuminskih akcija i sve članove SEEMACC-a redovito obavještavamo o tome. Činjenica da su MDDC timovi angažirani u gotovo svakoj zemlji u regionu, pokazuje da je rad MDDC-a podržan na regionalnom nivou, što je i bio glavni cilj osnivanja Centra.

U ljeto 2006. godine, 13 privatnih donatora iz MLI-a posjetili su MDDC i kompanije – korisnike njihove donacije 12 pasa za otkrivanje mina. Zadovoljni postignutim rezultatima, MLI je nastavio svoju suradnju sa MDDC-om ponudom da preko MDDC-a financira obuku druge grupe od 12 pasa za otkrivanje mina.